



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e-mail: info@voda.ba

Broj: **UP-1/21-3-40-468-4/23**
Datum: **23.11.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Pro Asfalt“ d.o.o. Tuzla za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada pogona za proizvodnju asfalta tipa „Wibau“ kapaciteta 150 tona, sa pratećim sadržajima, lociranog na zemljištu označenom kao k.č. 1098/2, 1098/3, 1099/1 i 1099/2 KO Spreča u Ljubačama, naselje Maline, općina Živinice, na osnovu člana 109. stav (1) tačka 2. i stav (2) tačka 1. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Pro Asfalt“ d.o.o. Tuzla daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada pogona za proizvodnju asfalta tipa „Wibau“ kapaciteta 150 tona, sa pratećim sadržajima, lociranog na zemljištu označenom kao k.č. 1098/2, 1098/3, 1099/1 i 1099/2 KO Spreča u Ljubačama, naselje Maline, općina Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (kanali i slivnici, kanalizaciona mreža, separator ulja i masti sa koalescentnim filterom, model Aquareg NG 40 + 4000 sa rebrastim ojačanjima, kapaciteta 40 l/s, tankvane i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti definisane u tabeli 1.1. kolona (3) Priloga 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20).
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
 - 3.6. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u članu 21. stav (2) Uredbe o uslovima

ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.9. Čišćenje i pražnjenje separatora ulja i masti te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz separatora ulja masti kao i preuzimanje drugog opasnog otpada.

3.10. Skladištenje otpadnih materija koje se mogu javiti u tehnološkom procesu i koje se direktno ili indirektno prikupljaju, a mogu štetno djelovati na okolinu vršiti u adekvatnim kontejnerima i buradima do preuzimanja istih od strane firme registrovane za tu vrstu djelatnosti.

3.11. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.12. Nakon okončanja svih aktivnosti na obavljanju tehničkog prijema izgrađenih objekata i sadržaja korisnik je u obavezi da ishodovano Rješenje o upotrebnoj dozvoli izdato od strane nadležnog organa dostavi Agenciji.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na prostoru proizvodnih pogona obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog pogona za proizvodnju asfalta tipa „Wibau“ kapaciteta 150 tona, sa pratećim sadržajima, lociranog na zemljištu označenom kao k.č. 1098/2, 1098/3, 1099/1 i 1099/2 KO Spreča u Ljubačama, naselje Maline, općina Živinice, za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Pro Asfalt“ d.o.o. Tuzla obratio se Agenciji sa zahtjevom za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju asfalta tipa „Wibau“ kapaciteta 150 tona, sa pratećim sadržajima, lociranog na zemljištu označenom kao k.č. 1098/2, 1098/3, 1099/1 i 1099/2 KO Spreča u Ljubačama, naselje Maline, općina Živinice.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka broj:032-0-Reg-19-000623 od 29.04.2019.godine, izdato od strane Općinskog suda u Tuzli - ovjerena kopija,
- Uvjerjenje o registraciji poreznog obveznika od 01.11.2017. godine izdato od strane Kantonalnog poreznog ureda u Tuzli - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-7073-2/17 od 08.12.2017. godine izdato od strane Uprave za indirektno-neizravno oporezivanje - ovjerena kopija,
- Pregled obračunatih EBS i uplaćene posebne vodne naknade (PVN) po godinama,
- Rješenje o vodnoj dozvoli, broj: UP-I/25-3-40-148-10/19 od 11.06.2019.godine, izdato od strane „Agencija za vodno područje rijeke Save“ Sarajevo – kopija,
- Rješenje o vodnoj dozvoli broj:04/1-13-21-27449/21 od 21.09.2021.godine, izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Ugovor o poslovnoj saradnji broj:40/22 od 23.06.2022.godine, potpisan sa „Inspekt RGH“ d.o.o. Sarajevo – kopija,
- Izvještaj o monitoringu kvaliteta i kvantiteta otpadnih voda kompleksa objekata za proizvodnju asfalta, broj: 951/22 od juna 2022.godine, izrađen od strane „Inspekt RGH“ d.o.o. Sarajevo – kopija,
- Izvještaj o monitoringu kvaliteta i kvantiteta otpadnih voda kompleksa objekata za proizvodnju asfalta, broj 964/23 od juna 2023.godine, izrađen od strane „Inspekt RGH“ d.o.o. Sarajevo – kopija,
- Operativni plan mjera u slučaju vanrednih i incidentnih zagađenja, juni 2022.godine, izrađen od strane „Inspekt RGH“ d.o.o. Sarajevo – kopija,
- Ugovor o izvođenju radova broj 2176/22-DS od 27.12.2022.godine, potpisan sa „Delta Petrol“ d.o.o. Kakanj – kopija,
- Faktura o čišćenju separatora broj 000655-1 od 08.03.2023.godine, izdata od strane „Delta Petrol“ d.o.o. Kakanj – kopija,
- Faktura o čišćenju separatora broj 303/21 od 27.12.2021.godine, izdata od strane „Kemokop“ d.o.o. Tuzla – kopija,
- Faktura o čišćenju separatora broj 299/20 od 28.12.2020.godine, izdata od strane „Kemokop“ d.o.o. Tuzla – kopija,
- Faktura o čišćenju separatora broj 361/19 od 31.12.2019.godine, izdata od strane „Kemokop“ d.o.o. Tuzla – kopija,
- Faktura o crpanju septičke jame, broj 76488/2023-007 od 28.09.2023.godine, izdata od strane JP „Vodovod i kanalizacija“ d.o.o. Živinice – kopija,
- Faktura o crpanju septičke jame, broj 61211/2021-007 od 04.08.2021.godine, izdata od strane JP „Vodovod i kanalizacija“ d.o.o. Živinice – kopija,
- Faktura o crpanju septičke jame, broj 384/19 od 02.09.2019.godine, izdata od strane „Komins“ d.o.o. Tuzla – kopija,
- Izvještaj o mjerenju emisije zagađujućih materija u zrak od septembra 2023.godine, izrađen od strane TQM d.o.o. Lukavac – kopija,
- Račun za separator ulja broj:85/22 od 28.10.2022.godine, izdat od strane „Borplastika Eko“ d.o.o. Tuzla – kopija,
- Završno izvješće TÜV Croatia o svojstvima separatora ulja – kopija,
- Rješenje Federalnog ministarstva prostornog uređenja broj UPI/03-19-2-255/20 od 15.12.2020.godine o nostrifikaciji dokumentacije o usklađenosti proizvoda proizvođača „Borplastika Eko“ d.o.o. Tuzla – kopija,
- Račun broj I01-002-321/2019 od 31.12.2019.godine (sa obračunom/specifikacijom) za uređenje poslovnog kruga asfaltne baze, izdat od strane „Cestotehnik“ d.o.o. Tuzla – kopija,
- Račun broj I01-002-79/2020 od 31.03.2020.godine (sa obračunom/specifikacijom) za uređenje poslovnog kruga asfaltne baze, izdat od strane „Cestotehnik“ d.o.o. Tuzla – kopija,
- Račun broj I01-002-102/2020 od 30.04.2020.godine (sa obračunom/specifikacijom) za uređenje poslovnog kruga asfaltne baze, izdat od strane „Cestotehnik“ d.o.o. Tuzla – kopija,
- Zapisnik o inspekcijskom nadzoru urađen od strane Federalnog vodnog inspektora, broj UP1-14-21-2-00119/2023-1405-P-1405-1-P od 17.07.2023.godine – kopija,
- Dokaz o uplaćenju upravnoj pristojbi na zahtjev

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj: 31/15, 55/19, 41/20, 63/22) izvršen je uvidaj na prostoru pogona za proizvodnju asfalta tipa „Wibau” kapaciteta 150 tona, sa pratećim sadržajima, naselje Maline, općina Živinice i tom prilikom sačinjen Zapisnik o izvršenom uvidaju broj:UP-1/21-3-40-468-2/23 od 21.11.2023. godine.

Na osnovu dostavljene dokumentacije, izvršenog uvida na licu mjesta utvrđeno je sljedeće:

➤ Asfaltna baza je locirana na zemljištu označenom kao k.č. 1098/2, 1098/3, 1099/1 i 1099/2 KO Spreča. Prema regulacionom planu općine Živinice ova parcela je označena kao industrijska zona. Ukupna površina lokacije iznosi oko 40.000 m².

➤ Sastoji se od sljedećih osnovnih funkcionalnih elementata: upravljačka jedinica/komandna kabina, silos gotove asfaltne mase, četiri ležeće nadzemne cisterne za bitumen ukupne zapremine V=200.000 litara, kotlovnica za grijanje termalnog ulja, postrojenje za sušenje agregata i miješanje mase asfalta sa sistemom za otprašivanje i silosima za filer, zračni kompresor, sedam preddozatora za kamene agregate, otvorena i natkrivena deponija za kamene agregate, nadzemni spremnik za lož ulje, zapremine V=20 m³, nadzemni spremnik za mazut, zapremine V=50 m³, upravno poslovna zgrada, laboratorij, interne saobraćajnice, parking za osobna vozila, portirnica sa ulaznom kapijom, sanitarni čvor, sistem kanalizacije na AB sa separatorom tečnog goriva i ulja, dvije blindirane trafo stanice, hidrantska mreža i prateći objekti i sadržaji.

➤ Pravno lice je izgradilo sistem za prikupljanje, transport, tretman i ispuštanje tehnoloških otpadnih voda tj. izvršilo je izgradnju svih objekata i sadržaja u skladu sa uslovima iz prethodno izdatog rješenja o vodnoj dozvoli broj:UP-I/25-3-40-148-10/19 od 11.06.2019. godine i dostavljenim je Dinamičkim plan ulaganja (spisak aktivnosti i mjera sa finansijskom procjenom za ulaganje u cilju smanjenja emisije sa predloženim završetkom aktivnosti), broj:1-216/19 od 29.05.2019. godine koji je sastavni dio predmetnog rješenja.

➤ Realizovana je nabavka i ugradnja: betonskih ivičnjaka, plastičnih rebrastih kanalizacionih cijevi od polietilena visoke gustoće, armirano-poliesterskih vodonepropusnih revizionih okana-šahtova, armirano-poliesterskog vodonepropusnog revizionog okna za monitoring sa rebrastim ojačanjima, kanala od nezasićenog poliestera ojačanog vlaknima stakla, separatora ulja (lakih tečnosti), model Aquareg NG 40 + 4000 sa rebrastim ojačanjima, kapaciteta 40 l/s. Realizacija na terenu, izgradnja svih objekata i sadržaja je u cjelosti usklađena sa projektnom dokumentacijom na koju je izdato Rješenje o vodnoj saglasnosti od Agencije, a što je potvrđeno i u Zapisniku o inspeksijskom nadzoru Federalnog vodnog inspektora, broj:UP1-14-21-2-00119/2023-1405-P-1405-1-P od 17.07.2023.godine.

➤ U toku su aktivnosti na tehničkom prijem u izgrađenih objekata i sadržaja.

➤ Uzorkovanje oborinskih onečišćenih voda iz okna za monitoring urađen je od strane „Inspekt RGH” d.o.o. Sarajevo. Rezultati monitoringa tj. kvantitativnih i kvalitativnih karakteristika efluenta iz mjeseca juna 2022. godine (broj 951/22) i mjeseca juna 2023.godine (broj:964/23) ukazuju da rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH” broj 26/20, 96/20).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog pogona za proizvodnju asfalta tipa „Wibau” kapaciteta 150 tona, sa pratećim sadržajima, naselje Maline, općina Živinice na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 115 - 118. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Pro Asfalt” d.o.o. Tuzla ispunio minimum uslova za izdavanje vodne dozvole za ispuštanje tehnoloških otpadnih voda i

aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada pogona za proizvodnju asfalta tipa „Wibau“ kapaciteta 150 tona, sa pratećim sadržajima, lociranog na zemljištu označenom kao k.č. 1098/2, 1098/3, 1099/1 i 1099/2 KO Spreča u Ljubačama, naselje Maline, općina Živinice, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-468-3/23/23 od 22.11.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- Pro asfalt d.o.o.
- Albina Herljevića br.5, 75000 Tuzla,
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava